



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Beati P. Philippi Nerii Florentini. Congregationis
Oratorii Fvndatoris**

Gallonio, Antonio

Mogvntiæ, 1602

Alia per eum instituta ad animorum salutem.

urn:nbn:de:hbz:466:1-43172

iam vidisse se aquas, vulgo trium fontium appellamus, in sanguineum colorem mutatas: quare apertissime significari dicebat, nouam Vrbi procellam impendere, quod etiam ab eodem Apostolo se accepisse narravit, totiusq; visionis ordinem Philippo exposuit.

Tum his ille auditis ad omnia se pro Christi arbitrio paratum ostendens, sermoni servi Dei cessit, Romæ manere statuit, vbi quam strenue in animorum salute procuranda elaborauerit, quotuè fructus ediderit, nullus est qui non norit.

Iesu Christi anno	Pauli IIIH. Pap. anno	Ætatis anno
15.8	3	43

Alia per eum instituta ad animorum salutem.

Verum cum maior quam pro loco, vbi sermones habebantur frequentia, de eo mutando cogitari cœptum est: impetravit itaque Philippus anno huius sæculi quinquagesimo octauo, à Sodalitio Charita-

tis, vt

tis, ut super fornicem dextrilateris Ecclesiæ (locus is erat satis amplius, nulliq; tunc vsui destinatus) populū congregaret, sermonesq; haberet.

Interea cum assiduis, ac quotidianis diuinarum rerum sermonibus accedentes excoleret; videns maiores in dies auditorum accessiones ad diuina colloquia fieri, visum ei est è suis aliquot huic operi destinare: elegit itaq; Franciscum Mariam Taurusium, & Ioannem Baptistam Modium tum laicos. Hi vbi ad multitudinem verba facere cœperunt, ita auditorum voluntates in Dei amorem accendebat, ut se mox tanti, tamque eximij parentis filios esse confluentibus ostenderent. In horum numerum aggregauit postea Philippus Antonium Fuccium, & Cæsarem Baronium Soranū, aliosq; qui parentis exemplum manibus, pedibusq; imitati, similesq; fratum suorum opus Dei miris modis magno cum animorū fructu iuuabant.

Excogitauit præterea Philippus,
quò vehementius ad Læi amorem
confluentium pectora inflamma-
ret, inflammataq; ab omni incom-
modo, detimento, molestiaq; sin-
cera, & integra conseruaret, vt eo-
dem loco singulis quibusq; diebus;
hieme postrema hora diei; æstate
tertia & vigesima, ad certum cam-
panæ signum Oratorium aperire-
tur, quo non solum nobiles, sed et-
iam plebeij oratū conuenirent. Mo-
odus, qui tenebatur, is erat: post dimi-
diæ horæ secretam, ac mentalem,
quam vocant, orationem ad horo-
logij normam dimensam, quatuor
hebdomadæ diebus tertia, & quin-
ta feria, & sabbato, ac Dominico
die Litaniæ recitabantur, quibus &
publicæ, & priuatæ res commenda-
bantur Deo; reliquis diebus, qui su-
pererāt, secunda, quarta, ac sexta fe-
ria, lucerna in laterna abscondita,
quæ papiraceam in anteriore facie,
Saluatoris nostri in crucem acti effi-

giem

giem habebat, quæque sola à fratribus cernebatur, singuli, qui eò conuenerant, funiculis tanto temporis spatio sese percutiebant, donec recitato prius breui Dominicę Passio-nis compendio (cui id est initium. Recordemini fratres carissimi) totus psalmus quinquagesimus , & cē-tesimus vigesimus nonus, atque antiphona Salua Regina, vel alia, quæ tempori congrueret, mœsta, ac lugubri voce caneretur. Quę consuetudo Christianæ pietatis plena hodie apud Patres nostros magno cum animorum fructu perseuerat.

Alumnos Philippus omni ope iuuat.

Interea cum maior in dies hominum concursus eodem tempore ad eum fieret, & Oratorij opus ferueret , plurimis quotidie ad colloquia conuenientibus, hunc ille morem induxit, vt primùm vel ipse legeret, vel aliis legendum traderet librum , qui dō rebus spiritualibus

Vitæ lib. I.

H 3 age-